

SOFICLOR ORAL SUSPENSION

Cefaclor Monohydrate (125mg/5ml)

Apakah yang ada pada risalah ini

1. Apakah kegunaan Soficlor
2. Bagaimana Soficlor berfungsi
3. Sebelum menggunakan Soficlor
4. Cara menggunakan Soficlor
5. Semasa menggunakan Soficlor
6. Kesan-kesan sampingan
7. Cara penyimpanan dan pelupusan Soficlor
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Soficlor

Ia digunakan untuk merawat jangkitan bakteria di dalam telinga, saluran pernafasan, saluran kencing, kulit dan tisu lembut.

Bagaimana Soficlor berfungsi

Cefaclor adalah antibiotik yang membunuh bakteria di dalam badan manusia.

Sebelum menggunakan Soficlor

- Bila tidak boleh menggunakan

Jangan gunakan Soficlor jika anda:

- alah (hipersensitif) terhadap Cefaclor, kumpulan antibiotik Cephalosporin atau bahan lain yang terkandung dalam ubat ini.

- Sebelum menggunakan Soficlor

Sila beritahu doktor atau ahli farmasi sebelum menggunakan Soficlor jika anda:

- hamil atau merancang untuk hamil.
- sedang menyusukan anak atau merancang untuk menyusu.
- mempunyai masalah buah pinggang.
- pernah mengalami masalah gastrousus, terutamanya keradangan kolon.

- Jika mengambil ubat-ubat lain

Beritahu doktor jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Cara menggunakan Soficlor

- Berapa banyak harus digunakan

Dewasa: 10ml (250mg) setiap 8 jam. Jangan melebihi 160ml (4g) sehari.

Bagi jangkitan paru-paru yang serius (*pneumonia*):
20ml (500mg) setiap 8 jam.

Bagi jangkitan penyakit kelamin pada kemaluan:

Dos tunggal 120ml (3g) sehari diambil bersama 1g probenecid, iaitu ubat yang

digunakan untuk mengeluarkan asid urik dalam air kencing.

Kanak-kanak:

20mg/kg berat badan/hari,
dos dibahagikan kepada setiap 8 jam.

Tidak boleh melebihi 40ml (1g) sehari.

Bagi jangkitan telinga yang serius (*otitis media*) atau sakit tekak:

40mg/kg berat badan/ hari,
dos dibahagikan kepada setiap 12 jam.

- Bila perlu digunakan

Diambil sebelum atau selepas makan.

Ikut arahan doktor atau ahli farmasi anda.

- Berapa lama perlu digunakan

Berdasarkan preskripsi doktor atau ahli farmasi. Rujuk kepada doktor atau ahli farmasi sebelum mengambil ubat ini untuk tempoh masa yang lebih panjang.

- Jika terlupa menggunakan

Rujuk kepada doktor atau ahli farmasi anda tentang apa yang perlu dilakukan jika anda terlupa menggunakan ubat ini. Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos seterusnya pada masa biasa. Jangan ambil dos berganda untuk menggantikan dos yang tertinggal.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Anda mungkin mengalami ketidakselesaan perut, rasa loya, cirit-birit dan muntah-muntah.

Semasa menggunakan Soficlor

- Perkara yang perlu dilakukan

- Sentiasa cuci tangan sebelum mengambil ubat.
- Gunakan air untuk membancuh serbuk. Tuangkan air sehingga ke tanda 60ml yang terdapat pada botol. Goncang botol untuk memastikan semua serbuk basah dan larut. Simpan ubat yang telah dibancuh di dalam peti sejuk.
- Amalkan pengambilan ubat pada waktu yang sama setiap hari.

- Perkara yang tidak boleh dilakukan

Jangan ambil ubat yang telah dibancuh selepas 7 hari.

Jangan ambil ubat ini tanpa preskripsi doktor atau ahli farmasi.

- Perkara yang perlu diberi perhatian

Sila beritahu doktor atau ahli farmasi jika anda:

- alah terhadap Cefaclor atau bahan lain yang terkandung dalam ubat ini.
- hamil atau menyusukan anak.
- mengalami masalah hati dan/atau buah pinggang.
- mempunyai jangkitan bakteria, kulat atau virus.

Kesan-kesan sampingan

- Gatal kulit dengan tompok merah pucat, bengkak beserta lebam.
- Cirit-birit, rasa loya, muntah-muntah.
- Hepatitis.
- Penyakit kuning (*jaundice*).
- Kerosakkan hati.
- Bacaan darah yang tidak normal.
- Kekejangan kaki dan tangan.
- Pening, mengantuk, susah untuk tidur.
- Gelisah, kekeliruan, halusinasi.

Seperti ubat-ubatan lain, Soficlor boleh menyebabkan kesan sampingan, walaupun bukan semua orang mengalaminya.

Jumpa doktor atau ahli farmasi anda dengan segera jika anda mengalami sebarang kesan sampingan selepas menggunakan ubat ini.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers → Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan Soficlor

- Penyimpanan

Simpan di bawah 25°C. Di tempat dingin dan kering.

Jauhi dari kanak-kanak.

Jangan ambil ubat ini selepas tarikh luput.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

SOFICLOR ORAL SUSPENSION

Cefaclor Monohydrate (125mg/5ml)

Maklumat lanjut

- Rupa dan warna produk

Didapati di dalam bungkusan 60ml.

Sebelum dibancuh:

Serbuk putih ke warna kekuningan,
berderai dengan bau strawberi.

Selepas dibancuh:

Suspension berwarna putih kekuningan
atau kuning dengan perisa strawberi.

- Bahan-bahan kandungan

- Bahan aktif

Cefaclor Monohydrate

- Bahan tidak aktif

Saccharin Sodium, Colloidal Silicon
Dioxide, Lactose, Strawberry Flavour,
Sodium Benzoate, Xanthan Gum,
Disodium Edetate.

- Nombor MAL

MAL19991143AZ

Pengilang dan Pemegang Pendaftaran Produk

Xepa-Soul Pattinson (Malaysia) Sdn Bhd
1-5 Cheng Industrial Estate,
75250 Melaka, Malaysia.

Tarikh kemaskini

30/11/2020

Nombor Siri

NPRA(R2/1)200910/516